



Claudii Fleurii Abbatis Historia Ecclesiastica

Ab anno Christi 1546. usque ad annum 1549

Fleury, Claude

August. Vind. [u.a.], 1770

VD18 90118529

§. 34. Ulmenses ad recipiendum Interim a Cæsare sollicitati.

[urn:nbn:de:hbz:466:1-66608](https://nbn-resolving.de/urn:nbn:de:hbz:466:1-66608)

§. XXXIV.

Sæcul. XVI.
A.C 1548.*Ulmenses ad recipiendum INTERIM
a Cæsare sollicitati.*

Post hæc Imperator Ulmam petit, Se- *Sleid. l. 21.*
 natum abrogat, novumque instituit, *p. 743.*
 ac Protestantes Ministros, eoquod Reli-
 gionis decretum acceptare recusassent,
 custodiæ dari præcipit, eo potissimum
 nomine, quod hujus Urbis Senatus o-
 mnino Cæsari addictus, hoc idem decre-
 tum jamjam recepisset. Hos inter
 Ministulos præcipiuus erat Martinus
 Frechtus Heidelbergensis Professor, qui
 postea Anno Domini quingentesimo vi-
 gesimo octavo supra millesimum Ulmæ
 Lutheri hæresin sermonibus suis divul-
 gabat. Porro durantibus Augustanis
 comitiis Ulmensis Senatus ad Granvel-
 lani preces a Frechto petierat, ut Au-
 gustam delatus Religionis negotio ad-
 laboraret, hancque in rem Phlugium,
 Sidonium, & Islebium accederet: Ille
 autem, quod rem sibi suspectam habe-
 ret, & nullum e reliquis civitatibus
 Ministrum Protestantem cerneret, eo ire
 recusat: Ubi vero Cæsar Ulmam venit,
 Senatus Frechum, ceterosque Mini-
 stros convocat, eosque, quid de decre-
 to sentirent, edicere jubet: hi mox,
 quid in hoc *Interim* probarent, quidve
reji-

Sæcul. XVI. rejicerent, exponunt: interrogati autem,
A.C. 1548. cur non & ipsi imitarentur Augustanos
 Præcones, qui hoc decretum jurata si-
 de receperunt, ac nihilo secius libere
 eorum sectam profitentur, ad hæc
 responderunt Ulmenses Ministri: (*)
*Nobis non constat, quid illi fecerint, neque
 nostrum est, alieni facti rationem reddere:
 nos quidem initio, cum ad Ecclesiæ ministe-
 rium adliberemur, sive ipsis data promissio-
 nis, quod doctrinam Evangelii pure, ac in-
 corrupte annuntiare velimus, sine traditioni-
 bus hominum: si nunc senatus eam rationem
 non probet, petimus, ut iusjurandum nobis
 remittat. His dictis abire jussi sunt.*

§. XXXV.
*Ministri Ulmenses, exceptis duabus
 morem gerentibus, custodia
 dati.*

Sleid. p. 747. Hisce Ministris post meridiem revo-
 catis nonnulli Deputati hæc signi-
 ficabant: *Captivos vos hodie Cæsar coram*

(*) Verius respondissent, quod Lutheranæ
 sectæ genium, ac conditio ea sit, ut pro di-
 versa temporis, loci, & privati commodi re-
 tione, ac circumstantiarum vicissitudine sectam
 suam in præcipuis etiam articulis immutari, di-
 minui, & augeri patiatur.